

國民

貴州通志

(三)

民國·劉顯世 谷正倫 修

任可澄 楊恩元 纂

一百七十卷 首一卷

民國三十七年貴陽書局鉛印本

清

秋七月參將唐天佑自王卡進克平越

曾璧光奏竊臣前因川軍進攻玉華山尙大坪賊巢恐潘逆派黨往援難以計日歲事商令署提督張文德親督勁旅力攻龍貴於六月初五初八等日克復兩城維時參將唐天佑一軍於掃平巴鄉賊寨後即紮營巴鄉以防江外王卡匪黨查王卡係平越所轄地勢險要黨與衆多與玉華山尙大坪諸賊互爲響應必須先行殄除則攻取益易爲力當飭唐天佑督同軍功楊有澤把總孔茂槐等渡江勦辦於是月十三日進攻大麻窩賊寨以據進兵之路該匪首莫掄元劉登高震懾軍威率衆乞降唐天佑即派作前驅令攻王卡以自効十四日黎明分軍疾進直逼賊巢夾擊環攻疊破賊壘降衆甚爲得力至十五日而王卡告克計陣斬賊首柴老冒沈老五等生擒僞沈元帥並悍賊王矮大五等訊明正法唐天佑即營其地以扼尙大坪後路爲川軍聲援

貴州通志

前事志三十四

曾璧光奏遊擊唐天佑先係立營王卡分布五軍嚴扼尙大坪後路嗣川師將該巢蕩平唐天佑即於七月初二日移營進規平越由安撫倉口各軍分路而進逆首金大五率黨抗拒連日攻戰大挫兇鋒初六日唐天佑乘勝進勦直取楊義司賊卡克之揮軍逼城而壘督同把總孔茂槐劉家興訓導羅國輔陣人莫掄元等分門攻擊該匪堅守不出初八日辰刻唐天佑以金大五與清黃苗匪互爲響應深虞援賊一至難期即下策勵諸軍銳意圍攻午刻自率勁隊由南門坍塌城缺處所冒刃而登我軍縱橫格鬪維時孔茂槐等亦將各門攻破四路掩殺該匪由東門奪路奔竄我軍追勦十餘里日晡收隊臣查平越城淪陷賊中歷年日久今經唐天佑於收復王卡之後相繼攻克洵足大快人心惟州城與清平麻哈爲鄰而皆賊我軍兵力未厚守禦爲難現委候補知府馬澗棠署理州篆飭令會同唐天佑籌辦善後並因統領川軍唐炯稟報已將馬龍井牛場等處苗巢掃蕩奪獲清鎮縣黃平州印信各一顆呈請繳銷令其將平越未投各寨先爲協同勦撫平定再圖進取

回匪馬仲等攻陷興義縣城代理知縣吳保慶遁永康堡



曾璧光奏竊興義府貞豐州回逆馬仲張老八等股官踞城負固年新城回


人金萬照即金阿烘等雖稱反正而陽奉陰違仍與馬仲等暗通消息四出擾害情殊狡詐臣時飭代理興義縣吳保慶遊擊劉官德將戰守事宜妥爲布置並擬俟安順軍務蒞事移師進勦本年六月二十八日據吳保慶劉官德稟報回逆馬仲等率領匪黨萬餘分股竄擾吳保慶等帶練調團前赴距城三十里之馬別橋要隘紮營堵遏賊愈聚愈衆遂被攻破隘口退守城池該匪逼城而壘勢甚危急當經臣檄飭署興義府兼攝普安縣劉正朝署普安直隸同知吳宗蘭齊團援救並飭幫辦安順軍務之護安義鎮總兵溫志學統軍策應適值安順股匪分竄安平縣屬之羊昌河窺伺縣城溫志學駐紮安平扼守未能赴援旋據吳保慶劉官德稟稱回馬仲等將附城各營擊破復分派賊黨阻截援師晝夜圍攻七月初二日因大雨不止城垣坍塌賊圍丁守陣日久力盡筋疲軍火口糧又復告竭是夜縣城被賊攻陷陣亡外委楊占蒸軍功王家齊並團練一百餘名吳保慶劉官德身各受傷經練丁救護而出暫紮距城數里之永康堡招集潰散以圖恢復

貴州通志

前事志三十四

先是興義府久陷賊貞豐全境亦爲馬仲及黑苗盤據張定中金萬照據新城如故僅存興義安南兩縣而代理興義知縣吳保慶代理安南知縣周佳琦皆逼賊不能自立先後走回省署興義知府兼普安知縣劉正朝僅自保會巧回團首謝洪順爲鄂忠言府城僅回賊百餘戶另築內城自守外城漢民亦止數百戶聞屢欲樹旗降約東南兩鄉團練刻期舉事請忠往統其衆忠以易襲難守辭而輕騎赴普安就商正朝以府試辭不赴謝洪順所結內應洩其謀賊攻之洪順待援不至突圍走興義縣鄉團十九營同時俱陷團民被害者二百餘家鄂忠急馳回央佑至是七月初二日賊遂陷興義縣城代理知縣吳保慶署游擊劉官德遁永康堡自謝洪順謀洩戴秉義等遂掠走馬別橋陷普別屯各營張隊三亦率新城賊出平彝陷紅板橋官德以五千餘衆禦擊不力故陷

納省逆首戴秉義陳良初夜率賊渡馬別河襲燒壘上查實三營河外大股乘勢竄入官禮退保縣城官德率精銳爲前鋒扼紮官田壩子當賊進攻大路與賊相持兩月餘大小數十戰賊愈集五屬回衆暨下游叛苗壓境來攻衆號二



十萬我軍寡不能敵七月朔縣城三失賊急以大股屯雞場作長圍進攻永康堡縣紳劉官禮守堡其將鍾占魁陣斬賊首張元臣勢稍挫退據縣城

按興義縣訪册敘縣城失陷不知有代理知縣吳保慶過疏

潘名杰復犯貴定汪柱元等却之其弟潘德明降

名杰及下河諸苗賊回犯貴定縣城柱元約林從太何雄輝都司陳安邦等却之都勻協田興富田慶龍李玉南合擊玉南中槍歿于陣慶龍亦創回旋歿賊尋以乏食皆走回都勻惟潘德明先遣赴柱元樊希棟營乞降至是復自赴庭中瑜中瑜為請許之

己亥諒軍機大臣等會覽光奏龍貴克復以後逆首潘名杰及其胞弟潘德明逃竄復糾合都勻苗酋柳天成等肆擾經官軍痛剿潘德明泣勸潘名杰投誠該逆不從竄往獨山潘德明乃自攜妻子戚屬而縛乞降曾璧光飭司訊供尚無偽情已示以不殺交張文德管帶使之殺賊自效固係權宜辦法藉安反側惟潘德明隨其兄為亂多年罪惡甚重此次窮蹙來歸難保將來不復萌異志其潘名杰在逃未獲尤恐潛通消息洩我軍情著曾璧光密飭張文德妥為鈐

貴州通志

前事志三十四

三

束留心體察如其始終不渝即責令隨隊勦賊贖罪未可驟假之兵以防反噬潘名杰係首先倡亂之人乃敢怙惡不悛必須上緊緝獲正法以洩黔民之憤並著曾璧光嚴檄各路將領暨各地方官會合搜捕

實授曾璧光貴州巡撫黎培敬貴州布政使林肇元貴州按察使

六合團降匪陳小五亦受撫歸畢公大錫節制雜髮紫大壘關而野心難降

其衆時三五成羣入城肆暴已而禁阻不准乃持籤借市買為名至逼索餉需挾兵入署者屢矣一日排隊百衆場旗驟馬槍皆燃繩實子吶喊衝入城丁不敢阻到府稟見署人大駭有越垣避者公便服靴鞋僅視九侍（陳治道為祝老冒把弟勇健時稱祝九）茶見詰所由來大罵謂軍法難犯此等行徑將如何拍案一怒陳諾諾不敢蓋狼子野心始以畏威而來今見餉缺兵單已懷反側非公老於軍事少為所動變在几席矣（祝九後署城守都司事保得諸口逃聞是時其黨之燃繩持槍者刁打簷雀不已）是時受撫投誠者猶有賀大（時稱賀大王）亦稱髮紫圓通寺桀驁不馴與陳小五同既窺城見虛實畢

公知尾大不掉亦莫如之何結隊橫行肆無忌憚惟林自清家小井巷俱焉而林適下鄉城危如卵一夕賀營列旗排刀出大炮於寺門燃繩俟城防震恐街口聯屠案以塞衆心栗栗盼得至天明為幸俄而林以軍夜至反側潛消衆為之慰如渡險灘而履安瀾也是役也非林以軍至賀動於內陳應於外禍將不測疑林軍或畢公以書招至保城於危功實不小斯又有城以來一險故林雖以罪誅此事猶噴噴衆口

先是賊等見城中防守嚴密難以攻取陳小五乃假意投誠畢公誤信處之城內後派陳紫大壘關之關上打六合團陳逗還不往是時城中內防奸究外防大寇有朝不保夕之勢父子夫妻相對而泣予公而忘私國而忘家以一身幹旋其間常抱城存吾存城亡吾亡之志七月內賀逆大王帶賊數萬上竄紫石板房等處又竄往北門外郭善二里頭起十五寨等處住紮畢公派陳小五剿辦該匪潛蓄變志一日因與畢觀察要糧起鬪抬各街屠案堆圍府署且暗分街道搶擄城池危如累卵畢公召予至署謂曰吾許小五進城吾已斷送全城生命財產汝試為我往探伊意衆皆危之予徑獨往至賊營見跼隊者皆把刀

貴州通志

前事志三十四

四

怒目而視意欲加害及進見陳先以威嚇予置死生於度外與彼力爭彼知不屈乃轉成爲壽終壽終予說

按安順訪册陳小五排隊驟馬衝入城丁不敢阻與平黔紀畧林自清稟有

陳貴珍前降畢大錫其弟橫行郡城中禽斬之之語微異蓋此案不見小五下落也惟是訪册云小五見畢大錫拍案一怒不覺屈膝何至又有勾結賀大火炮燃繩街口聯屠案之舉熊光詔所撰團防事畧則又自誇掉三寸舌令小五轉成爲壽是事畧與訪册不免矛盾又訪册稱賀紫圓通寺則近在城中光詔事畧則謂賀紫石板房種種抵牾其實小五不敢劫郡城實怵于林自清之威望郡人至今言之猶虎虎有生氣也

逆苗楊阿九圍攻馬龍井川軍擊敗之游擊唐天佑遂復平越州城楊阿九復糾凱塘凱哨革夷等賊圍攻馬龍井降寨初八日唐炯遣唐天佑率守備莫拾元乘間直趨平越州夜入城據之遣彈鴻超等敗賊馬龍井賊遁牛

經游擊唐天佑督同孔茂槐等攻破各門四面掩殺該匪奪路奔竄將州城克復此次官軍於收復王卡後兼克堅城勦辦尙屬得力惟該城與清平麻哈爲鄰守禦極關緊要該撫當嚴飭馬樹清會同唐天佑將善後事宜悉心籌辦毋稍疏虞並一面咨令唐炯將平越未投各寨協同勦撫以期一勞永逸

按東華錄曾璧光奏平越州城係唐天佑督同孔茂槐等攻破而崇實奏則唐炯飭降人莫倫元隨黔軍乘間入據考平黔紀畧則崇實爲是

川軍攻克祁山牛場烏雲等處苗寨唐炯進規清平黃平

諭崇實奏官軍自攻拔尙大坪賊巢後偽苗王楊阿九糾約苗黨於牛場祁山里等處結寨抗拒道員唐炯飭降人莫倫元隨黔軍乘間入據平越州城提督劉鶴齡知府鄧錡派兵勦擊迭次獲勝陣斬偽苗王楊阿九賊寨祁山里竄去其牛場烏雲山賊寨亦經劉鶴齡及總兵何行保等先後攻拔勦辦均屬得手即著崇實督飭唐炯等乘此聲威由牛場上塘進規清平黃平兩城回擊都勻麻哈以收破竹之勢

唐炯稟竊職道接據鄧丞憲安來稟七月十五日偽苗王楊阿九糾約凱唐革

貴州通志

前事志三十四

五

夷等處黑苗二千餘人自牛場來占據祁山宅鄧丞當派果毅右營參將吳洪貴率所部自毛坡迎擊副前營守備楊繼春率所部自三元里後營參將周萬順率所部自梭維兩路橫截吳洪貴首先遇賊鏖戰三時吳洪貴單騎突入賊羣手斬偽苗王楊阿九姜德滿賊勢披靡適周萬順楊繼春帶隊趕到左右夾攻吳洪貴奮勇往來衝突共計斃賊五百餘名賊大奔向桐木坪竄去吳洪貴單騎往追有十餘賊回拒吳洪貴中鎗落馬羣賊圍刺猶復手刃二賊力竭陣亡二十日職道力疾馳至馬龍井二十二日派安定前後兩營振武右營通牛場對山築壘苗匪大股來爭經劉鎮及忠字營何鎮安吉後營田游擊應泰三路截擊傷斃賊百餘名當將牛場賊寨焚燬奪獲乾字六千三百四十八號清鎮縣印一顆咸字三百五十四號黃平州印一顆二十三日何鎮顏牧督隊由中路進攻烏雲山副將鄧鴻超帶果毅前營由營盤坡以擊其左文生徐舒游擊潘壽齡帶安定後營由大營山以截其右羣苗散列烏雲山下鎗子如雨我軍中路少却賊乘勢來衝鄧鴻超潘壽齡兩路突出何鎮顏牧督軍回擊傷斃賊百餘名立將烏雲山賊寨三座焚燬賊奔聚九龍山我軍追至賊寨向窄

五地宋一帶遁去忽大雨霪我軍即收隊回牛場伏查參將吳洪貴籍隸貴州鎮遠隨劉鎮十餘年身經數百戰忠勇樸實甚爲苗匪所憚此次攻克玉華山暨安縣城厥功甚鉅職道以前次水源溝甫蒙憲台隨摺保獎參將勇號擬俟彙案方爲稟請憲施不虞遽爾捐軀實堪痛惜

稟竊自六月十九日吳參將洪貴克復安縣城二十三至二十五日苗逆偽楊王糾率黑苗千餘迭來攻撲經吳洪貴率所部果毅右營及譚光前降衆分路迎擊陣斬偽李元帥傷斃賊百餘該逆退據牛場上塘藍家關復糾約凱塘凱召革夷偽金王偽何王偽李王偽姜王等悍苗數千來援尙大坪圍攻馬龍井降寨其時大軍已拔尙大坪卑府商同劉鎮即飭黔省參將唐天佑率降人莫倫元乘間於本月初八日入據平越州城招徠麻哈民團派副將鄧鴻超帶果毅前營副中營及王成忠等降衆參將劉宇德劉萬春帶振武前右兩營由高平司進勦馬龍井初八日已刻苗逆數千蔽野而來劉宇德等由右路迎擊王成忠等由左路迎擊鄧鴻超自後來往接應鏖戰三時斃賊百餘名賊始大奔退至牛場卑府伏查凱塘凱召革夷崖門一帶爲最驍悍今既悉聚牛

貴州通志

前事志三十四

六

場上塘抗我川師必須調集大軍分路痛勦然後清平黃平可迎刃而解惟各軍自渡江以來觸冒暑雨晝夜奔馳病者十之六七死者十之三四張守鄧丞顏牧及委員楊裕本副將謝鴻章鄧鴻超等得力員弁皆相繼染患疫瘧不能督隊而師行既速糧運又多不濟且後路空虛不可無兵鎮壓現飭鄧丞部署降衆及果毅中後左右四營分駐大轎頂山紅燈堡小坡以備黃平施秉苗逆藉以醫調士卒復約蹇道前來商議此時烏江大路無賊違郡可無須防蹇道自帶安吉中營駐小轎頂山以鎮後患並料理糧運及善後事宜分安吉前後兩營何總兵忠字營隨同進勦意見相同日來忠字安吉各營已陸續開拔前進卑府侯張守等病勢差減糧運到來即偕劉鎮督率大隊馳往馬龍井督戰以期滅此朝食

唐炯稟籌善後各事宜

先是炯稟言劉嶽曙以有用之師不應久駐畢節無賊之地請移駐清鎮修文以遏安順賊請趙彭芝亮移駐思石之軍進規施秉席寶田率所部進規鎮遠台拱張文德以龍貴師進規都勻諸道並進自得專意苗疆庶可尅期竟功至

是又籌善後各事宜言於曾璧光畧曰竊自率師入黔經過桐梓綏陽涇潭諸縣田蕪民稀其時桐梓綏新復盜寇侵軼未嘗絕迹涇潭則官吏寄居永興周環數十里地而下糧軍穀罄金不免追呼愁苦怨歎不忍見聞閏四月肅清烏江北岸移師遵那籌措糧餉竊見遵義一縣雖平定逾年而見存戶口不及平時十之三田土僅東北兩鄉次第耕種然亦不及平時十之六而五月以來逾月不雨土肉乾坼禾苗枯稿六月雖頗多雨計收成不過十四五而桐梓復被大雨漂沒田廬無算愚以為陷賊之區征剿蕩除固在所先而撫存休養宜善其後譬如大病傷寒病時湯劑鍼灸累不可緩及其就愈所以將護節宣小失其宜則勞復之證百死一生不可不深慮也今者烏江兩岸寇盜漸掃除當此之時若得賢良有司加恩拊循寬其財力數年之後筋骸氣血庶復其舊若遂以為大愈不復致調衛之功但見其耕種負販遽欲責以歷年丁糧目前軍谷釐金別立名色多方科派則流亡者不敢歸來狡黠者必復囑聚利入私門害貽地方正不可不深長思也即以軍谷論桐梓涇未得其詳遵義一縣駐軍一月頗悉顛末緣烏江經省大路寇盜出沒無常商賈裹足餉源枯竭不得不

貴州通志

前事志三十四

七

撥勇防護既駐防不得不就近採辦以濟軍食此亦無可如何之苦衷而無如所委職紳輩不能仰體子愛殘黎之心一經奉檄虎視鄉閭恣其饕餮不問有無貧富按團派認每石市谷認賣者業須貼銀一錢有奇而自鄉至城自城自駐防所在近者二百餘里遠或三四百里往來率須四五日七八日不等運負乏需責令自辦順連路絕相望於道而中途或遭盜殺或為勇遮往往十人出門歸者不過五六至於上納一市石輒加二斗及責令認賣者來城春碾每谷一石賣交市斗淨米五斗及發糶勇又係糶米雜以糠粃每石入公不過得米三斗零耳請試以其採辦之數通計之即知其抑勒乾沒為不少矣剝殘黎之命失士卒之心而徒飽一己之私囊作奸貽害甚非末細今者尙大平橋頂山寇盜已平烏江大路往來無阻此路防堵余士舉何正親團勇都宜裁撤遵郡軍谷亦乞停辦其乾沒抑勒伏望嚴究以紓民困而警官常至龍貴則經收復而平越叛苗又據牛場抗拒唐天佑乘間入據州城計龍貴平越一帶皆可因糧於賊即貴陽軍谷亦可停辦地方幸甚尙大平以西北至小橋頂山青桐寨一帶為平越屬地而降眾則多係開修貴筑人民都勻八寨不過十之一二

玉華山以西北至江界河一帶為豐安屬地而降眾則豐黃施鎮半之豐安附城二三十里間則多係土著革夷思石不過十之一二大橋頂以東南至平溪一帶為黃平屬地其降眾亦多係黃清平越人民所在田土多為降眾及叛苗耕種成熟烏江北岸如涇餘龍遵綏各地亦多黃施平清鎮遠人民散處耕種竊以自遵綏桐仁被脅難民及思南各處降眾概資回籍其為開修貴筑人民俟秋成後禦冬有資即給票牌移會司飭安本業漸次開墾不得指為叛逆絕產多方指勒使其流離失所都勻八寨及平越土著悉以移實州城而授以附城二三十里內絕產其清黃施鎮現飭代理黃平州牧朱倅應耀督率分駐大橋頂山平溪一帶俟大軍規復舊州即便移實舊州城而授以附城二三十里內絕產於平黃豐安間分屯二千五百眾於以控制苗疆捍衛省門實為久遠大計而清查丈量計口授田事體繁多非得賢良有司不能從容區畫相安無弊而新附之眾時正如嬰兒中道失母傍徨無依急望地方賢良有司親歷拊循乃有繫屬宜道維禮雖奉旨准赴黔省會同貴東道籌辦善後而到來日期遠近莫必地方事宜不能虛懸以待擬請憲台飭司迅選賢員署理平越豐

貴州通志

前事志三十四

八

安飭令隨川軍後掃蕩一處即撫定一處人心既有繫屬善後亦易辦理
命曾璧光節制川楚兩軍

是月奉上諭曾璧光奏請飭四川湖南等省嚴督席寶田各軍分進勦辦以竟全功等語現在龍里貴定城均經克復黔省軍務漸有轉機若川楚援勦各軍遽行撤退不惟全功盡廢必至後禍尤烈據曾璧光奏石阡思南因撤兵太速餘匪已有百十成羣漸肆擄劫者且由龍貴東下直至鎮遠清平黃平施秉一路苗教各匪林立非川軍楚軍分途進擊黔局殊難支持所奏擬係實情唐炯蹇閣劉嶽昭所帶川軍現在進取玉華山橋頂山尙大平等處著崇實迅飭唐炯等由北而南縱橫奮擊不可稍涉遷延臬司席寶田已給假兩月現計假期將滿著劉嶽昭令該臬司仍率所部由黔省下游取道前進期與川楚各軍三面夾擊使苗教各匪首尾不能相顧以壯聲威崇實願隣封所有唐炯席寶田各軍並著崇實等懷遠前旨將各該軍歸曾璧光節制其營餉項軍火仍由該省源源接濟用資飽騰曾璧光亦當飭令張文德督率黔中將領乘此聲勢奮力追擊並隨時與川楚各軍互相策應逐漸搜除以清餘孽

按劉嶽昭當爲劉嶽昭之誤
八月平越清平仲夷革老及難民黃子剛等乞撫

十九日平越龍井五寨叛苗出楊家林薄唐大有營參將潘壽齡敗之退毀龍井諸寨地松叛苗同時掩至五寨兵鄧鴻超迎擊中槍少却參將石洪守備王守忠等援擊敗之復追毀地松苗寨賊退狗翁河川軍亦多傷亡劉嶽齡進軍地松平越清平仲夷革老及麻哈二龍山平越羊大山被脅難民黃子剛王登雲數十寨皆乞撫

唐炯稟竊職道於七月二十三日移駐牛場後隨即分布鄧守銜帶兵六營扼興隆堡蓋家關以規舊州張道玉文唐鎮大有各帶三營扼楊家村以顧平越職道借劉提督由卡籠窄五以剿地宋上塘忠字營何鎮行保安吉後營田參將應豪扼翁巴以備抄截已定期並舉而連雨不止直至八月十五十六兩日天氣稍霽龍井五寨叛苗前來攻撲楊家林均被我軍擊退十九日大股復來攻圍振武軍營壘參將潘壽齡劉宇德都司王虎臣分路截擊陣斬悍苗四十名該逆大奔我軍乘勝追逐十餘里立將龍井苗寨焚燬是日地宋叛苗亦

貴州通志

前事志三十四

九

大股掩至窄五經總兵鄧鴻超督隊迎擊遇伏左膝中鎗傷我軍少却該逆蜂擁而來參將石洪守備王成忠李文彩各帶隊奮勇衝突賊甚衆乘勝追逐十餘里立將地宋苗寨焚燬該逆退據狗望河隨據平越清平所屬狃夷狃及麻哈被脅難民共七十二寨前來投誠職道均一一撫慰給與旗幟札示令暫勿種髮待官軍進剿時倒戈夾擊現在劉提督已進紮地宋而日夜霖雨至今不止一俟天霽職道即移駐地宋妥爲部署次第掃蕩

檄降人潘德明隨張文德規都勻

德明上香下游羣盜如毛近龍貴克復軍威振而賊勢蹙被脅者諒亦變計但其中有逼處苗賊驟難自拔者陷溺既深疑懼不前此些宜進取都麻龍貴方能肅清然都勻八寨遍地皆賊現在胡四趙五據茅坡扼舊縣平伐一路柳天成據都勻潘明杰據擺洞麻哈則馬登科據高木塘若一軍直進難以制敵必須分道並進一出樂平至谷洞以扼灰坡牽制麻哈並分出羅戶司文德關以逼擺洞一出舊縣打鐵寨上下擺洗攻茅坡再分進月亮洞擺芒如此都勻可期得手然後進規麻哈以前扼灰坡者爲一軍再以一軍由旋衝小堡繞出高

視先搜剔諸賊然後會軍麻哈都勻形勢不難復而難守如固復一處則彼處賊來擾適以牽制重兵莫若約期齊舉方爲得計曾璧光因令同降人蔡起坤楊永清等率所部五百人進規都勻

滇軍都司陳發昌等奉檄來援與義吳保慶劉官德乘虛復入縣城

曾璧光奏據署興義府知府兼普安縣知縣劉正朝稟稱查與邑賊勢甚衆分布各隘阻我援軍商同吳宗蘭督飭署普安營遊擊易飛熊署安南營都司馬金奎帶領團勇進圍新城匪黨以爲釜底抽薪之計八月初八日攻破青山賊卡斃匪三十餘名直趨新城該匪金萬照即金阿烘率匪抵拒我軍奮力攻擊因城小而堅未能得手劉正朝恐匪黨回巢阻截糧道仍移紮青山以顧普安應縣門戶並據進援與邑之路又據吳保慶劉官德稟稱縣城失守後督同候選從九品劉官禮收集部統並添募滇勇六百人襲破米納等處賊營四座斃賊百餘擒斬賊目馬玉沅一名復因兵力未厚調團三千餘人於八月十三十四十五等日分路進剿將三元村親音閣三家寨等處賊營攻破斃匪甚多即於距城二里之校場七星廟等處分別立營並經督臣劉嶽昭雲南撫臣岑毓

貴州通志

前事志三十四

一〇

英派令都司陳發昌張兆顯等帶領兵勇會同平彝縣團首張旭中等前來援應分紮威舍沙營等處進攻安邊一帶賊營大挫兇鋒城內踞匪因新城安邊兩路官軍攻擊分黨回顧吳保慶等於八月二十日乘賊勢之衰分五路並進齊抵縣城四面圍攻劉官德不避鋒鏑用竹梯奮勇先登各隊繼進各門被我軍攻破餘匪奪路奔竄至三更而縣城克復我軍陣亡外委劉德勝等

雲南巡撫岑毓英遣都司陳發昌張兆顯同平彝團首張旭中等援興義縣由安邊進取馬金奎易飛熊率團練攻新城張定中自興義率賊回援二十二日吳保慶劉官德等乘虛復入縣城餘多還府惟戴秉義翟有魁仍據納省定中回新城金奎飛熊潰退白寨青山事在八月

官禮以重金募粵勇三千屬西林在籍同知葉正邦率攻興義府城別遣縣紳查寶三說降苗馬金魁反正攻新城賊聞老巢失狼顧却走我軍乘之八月二十夜三復縣城初逆回犯縣魯中義民李汝雲倡義拒逆選鄉勇百餘人攻賊於五岳山汝雲爲賊首馬聯陞所執不屈死義勇等亦同時戰歿

按降苗馬金魁當爲降回馬金奎之誤

曾璧光飭川軍提督陳希祥接防會成耀星剿土游各匪

曾璧光片道員劉嶽曙所領果毅後軍已經兼署四川督臣崇實奏派赴滇另撥提督陳希祥所領達字營前來接防而嚴大五白偽弁帥等逆偵劉軍將去復竄擾鳴池河大路臣已飭軍需局速催陳希祥馳赴防所速即勦辦毋令省門西路通而復塞其烏江北路由提督成耀星所領耀湘各營分投扼勦行旅業已無虞該提督素有戰畧辦事亦屬認真與陳希祥同是鄉人聲氣投契臣擬俟陳希祥到防即令該兩軍將兩路游匪濫練結實搜除即合兩軍之力從安順節節掃蕩進規興義貞豐等處回逆仍一面檄催廣西投效之廣東候補同知葉正邦由西林渡江夾擊既去積年邊境回患亦為督臣後路聲援而與下游川楚各軍遙遙相應

八月四川總督崇實檄記名提督陳希祥以二千餘人援剿安順諸賊檄劉嶽曙移防清鎮黔西

按曾奏劉嶽曙奉派赴滇紀畧稱移防黔西劉嶽曙二月赴滇即令嶽曙留防黔西此時自是奉調赴滇紀畧十月陳希祥擊賊定南亦去劉嶽曙軍為

貴州通志

前事志三十四

一一

嶽昭檄調雲南是紀畧本條誤

永甯叛團楊開祥乞反正

溫志學遣軍同林自清數攻馬堡不下沈大春復會自清進攻賊潰合叛團楊開祥開祥為永甯中寨團首仇坡貢團首丁了頭因破坡貢復結六合團十三旗餘賊掠逼鄧位廳城雲南委辦招撫員張仁帥率團集援賊始退七月中自清急攻烈山堡黃泰走鄧位與嚴大五楊開祥等合十三旗附近多反正畢大錫稟言泰本先乞撫自清索去投誠銀物將誘執解省泰因遁去自清稟言陳貴珍前降大錫其弟橫行郡城中禽斬之貴珍怨望因復叛去同六合餘黨陳建中等擊破蕩上堡殺都司胡占標等二百餘人大錫不能制至八月中開祥自鄧位乞反正

署提督張文德准假以副將林從泰護理貴州提督

諭署提督張文德傷病既稱屬實著准其回籍調治因便葬親以示體恤黔省軍事見正得手著傳知該署提督於回籍後趕緊料理仍馳回貴定一帶督軍進勦毋庸泥定三箇月假期藉詞延宕所有貴州提督篆務即著林從泰暫行

護理

九月川軍會同黔軍復麻哈州城

唐炳稟竊八月內迭據麻哈屬之二龍山平越屬之羊大山等處被脅難民黃子剛王登雲來營就撫職道當經給與札示旂幟本月十三日黃子剛等復來營乞兵救援職道細詢自平越城東金雞山以至麻哈城南十五里之高棍表斜約百餘里自二龍山以至麻哈城東二十里之羊大山綿亘八九十里中間被脅漢民狎狎狎短裙土家水家諸苗築寨而居不下數百處逆苗散踞各寨或數十人百餘人日肆殘虐被脅漢苗積怨甚深機不可失當檄飭副將銜署平越營游擊唐益將天佑督率莫守備倫元降衆於十五日疾趨羊大山函屬張道玉文自帶兩營由高棍進為之應援飭唐鎮大有扼新橋營以備楊老悍苗自十六日至十八日各寨漢苗四起響應斬殺叛苗無算十九日張道唐益將分督游擊潘壽齡攻麻哈州城守備莫倫元藍翎把總孔茂槐戎祚瑞等攻高木塘降團黃子剛王登雲姚天元羅占斗羅成章等由笑天龍攻五寨三庄叛苗分股迎敵自卯至午鏖戰半日傷賊無算賊仍抵死不退黃子剛手斬

貴州通志

前事志三十四

一一

苗酋李天王賊勢披靡我軍乘勢掩殺立將麻哈州城克復是日黔師黃參將開才亦帶隊馳抵嚴下司協同助勦先是職道以我軍分布首尾四百餘里而清平屬之黃貓嶺撒毛下司楊老皆屬叛苗大股巢穴二龍山羊大山新橋營與之逼近甚虞乘虛進犯平越州城曾屬張道唐益將於麻哈得手後即回紮新橋營二龍山兩路夾攻黃貓嶺此巢一破而劉提督所撫清平屬之都梨都蘭等二十四寨及黃子剛所無之銅鼓擺佈一帶狎狎便可四起環攻清平不難克復至是張道唐益將仍回紮二龍山新橋營以規清平二十日舊州之賊千餘來撲地宋經劉提督手斬賊酋蔡元帥賊勢披靡我軍分路縱擊殺賊無算是日唐鎮大有在新橋營與賊接仗方相持際老虎洞降衆汪有誼等倒戈夾擊陣斬悍苗百餘名因大雨如注收隊還營二十一日顏牧佐才何鎮行保進攻上塘之打鐵關斃賊數十名舊州之賊來攻藍家關亦被總兵李啓貴都司楊繼春擊退均各稟報前來職道現在部署新撫之蘆坪力冲大山洞翁牛一帶狎狎扼守狗望河一俟妥帖劉提督進攻羊皮羊保職道由打鐵關鄧守銜由藍家關同規上塘

隨據平越清平所屬狃夷犵狁及麻哈被脅難民共七十二寨前來投誠職道均一一撫慰給與旂幟札示令暫勿藉髮待官軍進剿時倒戈夾擊現在劉提督已進紮地宋而日夜霖雨至今不止一俟天霽職道即移駐地宋妥爲部署次第掃蕩上同

諭崇實吳棠奏四川援黔官軍自攻拔牛場等處苗寨後道員唐炯督軍進剿龍井地宋諸叛苗連戰皆捷破其巢穴乘勝進規麻哈該逆膽敢分股迎敵經官軍縱擊賊勢披靡斬賊五百餘級當將麻哈州城克復收降苗寨民寨數百處並擊敗上塘清平舊州等處援賊奪獲器械無算唐炯調度得宜深堪嘉尚仍著檄令該道督率諸軍節節掃蕩以竟全功上同

諭會璧光奏川黔各軍收復平越州後清黃苗匪仍復肆擾會璧光飭令游擊唐天佑設法招降麻哈州城之被脅漢民費于剛亦率衆投誠欲爲內應署提督張文德率軍分隊直攻麻哈州城受撫各寨倉然響應賊多名立將州城克復與崇實等前奏大畧相同著會璧光督飭各軍乘勝進攻迅殄醜類上同諭會璧光奏賊踞貴州麻哈州城經會璧光派兵會同川師勦撫兼施當將州

貴州通志

前事志三十四

一三

城克復與崇實等前奏大畧相同現在署提督張文德力疾親督諸軍進紮王都堡並分軍規復都勻著會璧光傳諭該署提督乘此聲威鼓行而進並著崇實吳棠飭道員唐炯聯絡黔軍進規清平舊州節節進剿務將都勻踴逆一律殄除並力趨下游以期肅清黔境上同

賊陷安南縣城代理知縣周佳琦遁
易飛熊自青山移病回請劉正朝往督剿賊大至營陷正朝潰走賊旋渡深溪河走攻安南縣城二十三日陷之周佳琦不知所往馬金奎走江西坡署普安同知吳宗蘭亦告急會葉正邦還至興義會璧光檄令兼署興義府縣剿辦諸賊上同

苗逆賀興仁降于唐炯

初唐炯攻上大坪急劉儀順遠招嚴大五賀興仁來援蹇閭偵興仁母妻皆在中平取至招之興仁仍回安順至是乃自安順遣赴唐炯營乞降炯令轉招諸賊嚴大五等擾如故二十一日陳希祥馳至清鎮由安平馬五屯進剿成耀星進擊平遠松林應之上同

席寶田還至寨頭湖南巡撫劉崑遺黃潤昌來益師

寶田議曰台拱苗最強破台拱則羣苗膽落矣右鎮遠而左清江台拱之兩翼也不取兩城不能規台拱不通岩頭左右不斷賊援不能克兩城不悉平岩頭前路不能通道然專注岩頭苗乃從他道內侵文吏乃得持長短衆論諠譁軍餉不繼則事敗矣宜增兵處處爲防而後可以言戰乃上書劉崑請益萬人議者皆以糜餉甚鉅而平苗無益又軍例將五百人者將雖廉平猶歲入三千金凡議增兵皆利其所入疑寶田欲專大利然無以難之乃由省城防兵附以沅北戍軍不隸寶田者爲萬人以黃潤昌爲大將鄧子垣副之出晃州北路而令寶田專南路湘軍

湖南巡撫劉崑奏添調兵勇赴黔剿辦苗匪得旨著即檄飭黃潤昌統率所部迅赴沅州會商席寶田相機前進併力攻剿軍報楚軍葉兆蘭等遣軍數擊敗九大白報南燒於土地祠二十四日席寶田還至寨頭軍軍報

工部侍郎石贊清復奏請裁減湘軍移贖濟黔事宜

貴州通志

前事志三十四

一四

畧曰黔中教號苗賊自川軍赴援剿撫兼施不半年克集擒渠教號諸賊漸次削平惟苗賊尙宜大張撻伐川軍由平越進擊黔軍克復龍貴亦乘勝直趨都勻正聯絡進取犁庭掃穴之時也川軍不及萬人恃有饑需降人樂爲之用是以士氣百倍所向無前黔省饑項奇絀練勇每月僅能給餉數錢即此數錢之銀尙不能按月支發枵腹從事譁潰時虞前貴定之捷堅城既破借停兵待餉致潘名杰乘勢遠颺無米之炊智勇俱困事急則募勇以禦賊事緩又無錢以養之黔中教號諸賊皆由潰練散勇迫脅難民相乘繼起十餘年靡有底止今幸剿辦得手圍修餘孽各州縣先後肅清臣竊思收復地方殘破已極非措經費安插降衆即給牛種以招流亡雖保無餘孽復萌又生他變然此猶善後之策也目前急務川軍直抵苗境恃黔軍爲之後應必集勦旅多人一面會合剿洗一而屏蔽省城使苗賊不至上竄窺伺省垣腹地無虞邊境可徐圖掃蕩順第責黔省增防勦之兵而不爲籌有著之饋恐餉軍必不能振黔患仍未易平安危之機關繫匪淺我皇上廑念邊陲於協黔餉銀屢蒙敕飭撥解而各省苦于無款可籌黔中竟至束手臣愚以爲今之時勢莫如裁隣兵以裕餉以贖軍

權其輕重緩急之間似有可以通融辦理者查湖南援黔之兵二萬有餘兵勇坐糧每月四兩行糧則每月五兩六錢有奇合計月需餉銀十三四萬兩間湘軍入黔後疫染瘴癘缺額甚多李元度告養回湘軍已不抵席寶田一軍因苗竄擾靖會退劉沅州旋亦告假回籍現雖檄催前進而李軍與席軍不治勢必遣散另募方可大舉入黔巨竊計湘中將士皆係湘人川中唐炯蹇澂兩軍半係黔人深入苗疆自以熟習地理者為便夫用兵之道俯仰攻難楚黔接壤青溪玉屏一帶山深箐密道路崎嶇苗賊礮寨林立居高瞰下我兵進則設伏以待退則乘虛而來楚師屢克鎮遠而不能守此明驗也且楚軍不服水土疾病易生與其輕進無功不如憑險自守但期防堵得力使苗賊不復出巢則川黔官軍自上而下勢若建瓴只須克復重安江一帶使苗賊大受懲創必可一勞永逸湘軍僅於防扼當就見有兵勇洵汰老弱清查浮冒將李元度舊部酌量歸併裁撤以萬餘衆交席寶田統帶扼要駐紮亦足以敷分布湘省邊境既易剿為防則兵勇可照坐糧給發每月計可省銀七八萬兩即以騰出之餉按月給銀五六萬兩解赴貴州省城俾撫臣曾璧光等得以選將練兵力圖克

貴州通志

前事志三十四

一五

復如此轉移間湖南得散無用之兵黔中得有用之餉疆早靖湘境即可撤防是以有益于黔而並無損于湘撫臣劉峴素顧大局諒不至拘泥援黔之說新恤鄰封黔中得此五六萬金今日為招練兵勇之費事平即可為安撫地方之用一舉兩得食惠無窮黔中平則川楚晉安此機可乘時不可失者也於是奉上諭著曾璧光酌情形詳慎籌畫務須謀及萬全璧光奏入旋奉上諭曾璧光奏自收復龍貴後設防愈寬上游各匪尚須剿辦林從太駐軍都勻兵練無多僅能支持一而黔事尚多可乘之機自未便將援黔湘軍遽行裁減前據劉峴奏湘軍攻克天柱縣城已飭席寶田分路前進刻下潯陽江以北苗教各匪未平即著劉峴迅催席寶田等統帶新舊各部由鎮遠施秉舊日驛路攻剿而上與川軍會合分別剿撫以期東西肅清

冬十月提督張文德軍至王都堡苗酋潘名杰迎降遂克都勻

已亥諭軍機大臣等曾璧光奏貴州官軍自克復麻哈州城後進規都勻逆首楊開輔等分率苗黨踞守關隘阻我進兵之路提督張文德親督各軍於十月間進取王都堡賊巢逆首潘名杰等率衆投誠靖盜關之賊集黨死守旋經官

軍攻破並進拔文德關殺賊五百餘名乘勝直薄都勻分門環攻十三日夜間官軍一擁登城短兵相接斃賊一千餘名餘賊奪門四潰復追殺數百名當將都勻府城克復剿辦尙屬得手仍著督飭官軍將茅坡賊巢剋期掃蕩迅殄逆氛

初五日張文德督林從太張盛琦潘明德等進規都勻軍至王都堡潘名杰等迎降初八日破走府北靖盜關賊初十日再攻文德關賊望風走遂薄都勻圍攻十三夜破城入時賊猶拒茅坡文德部署諸軍分踞城內外各隘自率親軍折回巖下擊敗胡四趙五于擺沙賊盡入茅坡拒守

唐炯稟貴州巡撫竊於本月初二日酉刻案奉十月二十七日憲台八百里札飭撥軍馳赴勻城會同林鎮相機辦理以維大局各本因奉此伏查巖門革夷壘谷隴等處悍苗萬餘現在鷹集重安江一帶以拒我舊州上塘各軍而丹凱賊苗日與我官軍在楊老相持亦不下數千均在攻勦喫緊之際若稍一動移不獨前功盡棄而大局亦不可收拾竊料都勻賊匪雖衆林鎮從泰所部既有七八營戰或不足守則有餘仰懇憲台札飭林鎮安為固守月餘職道俟將重

貴州通志

前事志三十四

一六

安清平掃蕩即便親赴都勻辦理以慰憲廑又鴨恩苗酋潘名杰自黔師收復貴定後竄據都勻王都堡職道前遣降人仲苗宋德高持諭往招至是潘名杰率其種類一千二百餘戶來降職道好言撫慰發給門牌並令其持諭往招都勻柳天成胡連玉趙廷珠八寨苗酋馬登科自效該會感泣願盡死力此事尙成都勻八寨便可不煩兵力矣

七年冬十月護理提督事副將林從泰督兵規郡城從泰檄諸營自谷洞撤影分道進自率所部會城下副將黎占魁張標等自靖盜關掃蕩而前從泰於楊家沖招降邦水賊胡四趙五為前導星夜抵郡城賊不虞官軍驟至紛紛潰走柳天成奔林猪坡金幹幹王壽甫奔苦李均從泰勒兵入留占魁等駐兵城守大府旋以黃德裕知郡事張標署副將仍於文德諸處屯營策應時鄰邑尙為賊覬柳天成又未受創城雖復危如蟻卵

按平黔紀畧稱名桀降于黔軍援黔錄則稱降于川軍蓋各據稟又胡四趙五即胡廷玉趙連珠事詳後案都勻訪冊作林從太招撫恐亦不實

川軍攻克打鐵關上塘等處苗寨都勻苗酋柳天成等復就擒

唐炯竄竊初五日黃貓嶺賊數千復來犯楊老營壘我軍一路迎擊鏖戰逾時陣斬賊百餘名把總張順揚手刃賊目一名賊遂奔敗初七日劉提督進剿小巖至寨翁孤等處斃賊百餘名立將各苗寨焚燬乘勝直追至小巖河邊賊苗奔退不及落河死者約二三百人計自前月初間至今小巖河狗望河以內賊寨盡數掃蕩平越境內肅清伏查小巖狗望兩路爲重安江上流而蘆坪羊保又爲諸路總隘居我軍楊老打鐵關之中凱棠革夷賊苗時由上犯平越州城劉提督須會攻上塘該處不可無兵防紮適定番賊會劉占斗姬紹勳等來營投誠此起降衆本皆平越死於林等夷因飭訓導陳紹虞降人石占揚督率屯防羊保而派游擊田應豪率所部安吉後營駐蘆坪以爲犄角上塘翁沙賊苗連日死守打鐵關職道函屬鄧守於初十日由藍家關直襲上塘而自督何鎮顏牧參將石洪副將藍文蔚分路進攻打鐵關鏖戰逾時我軍傷亡數十名職道派弁持令往來督促敢有退後者斬顏牧石參將帶隊由僻徑越嶺數重抄出賊後何鎮復鼓勇先登共斃賊百餘名立將打鐵關攻破賊寨焚燬餘賊竄向翁沙一路方賊死守打鐵關於藍家關進上塘路皆以大木橫塞徧插竹籤

貴州通志

前事志三十四

一七

鄧守督隊代山開道疾馳三十里掩至上塘賊不意我軍猝至倉皇驚潰鄧守揮軍縱擊陣斬賊百餘名傷斃無算翁沙之賊亦悉數竄過重安江我軍立將兩大寨焚燬並由鄧守檄飭駐防猴場洗馬塘果毅左右兩營由梁頂校洞進黃平州朱牧帶降衆由平溪進十一日劉提督已自小巖來會一俟雪霽即拔赶上塘同規舊州再都勻各賊前經職道遣降會潘名杰持諭往撫又因府城中尚有粵賊千餘皆李文彩舊黨復派該守備前往茲據回營稟稱柳天成胡連王趙廷珠唐協禮等皆誓死投誠職道復派該守備持門牌前往安撫並稟請貴州撫部院派曉事大員馳赴都勻料理將來舊州清平得手職道將降衆部署屯防即由凱里進剿苗疆不復分兵走都勻矣

從何出耶實屬不知緩急爲此札仰該將此後不得再調金雞山排路等一帶團衆致後路空虛貽誤大局重干咎戾

札守備李文彩照得都勻柳天成胡連王趙廷珠及該守備舊時所部隊伍遣人具稟來營投誠該會等既甘心投誠即是良民本道自當仰體朝廷法外之仁寬其既往予以自新除稟明貴州撫部院嚴飭黔中各營不准擄掠騷擾外爲此札仰該守備即便承領發去門牌告示馳赴都勻辦理招安事宜

川軍克黃平新舊兩城

唐炯竄竊職道與劉提督於十四日拔赴上塘會合鄧守據探舊州地勢平行周迴四十里賊寨數十悍苗約五六千計舊州城中亦約五六百家由上塘至舊州二十五里中間三轉灣波洞河路徑窄狹賊卡林立職道商同劉提督鄧守宜乘夜出賊不意便可一鼓齊下劉提督鄧守遂於是夜挑帶十營八成隊五鼓急進都司楊繼春率所部果毅副前營副將周萬順率所部果毅後營衛枚前驅緣山半林中繞出三轉灣波洞河後守卡賊百餘悉就擒斬無一得脫我軍遂長驅直前黎明至舊州劉提督鄧守分道圍攻楊繼春周萬順首先突

貴州通志

前事志三十四

一八

入舊州城順風縱火二十餘寨賊苗倉皇奔潰我軍四面縱擊斃賊無數追至金坑大坪賊抵死據險抗拒我軍前敵少却劉提督軍馬衝入賊陣我軍大呼齊進而總兵謝鴻章劉子貴各督所部署黃平州牧朱應耀督降衆自校洞平溪直趨後賊勢披靡悉奔向新州尖山坡我軍遂於舊州城內駐紮奪獲賊谷十餘萬石一概封固我軍傷亡數十人十六日何鎮行保周副將萬順黃鎮一陸李鎮啓貴顏牧佐才復將白巖龍洞河美朗毛草坪一帶十餘賊寨攻破斃賊甚多黃貓嶺之賊數千於十一十六兩日分由巖下谷嗣兩路來撲楊老營壘均經張道玉文唐鎮大有督參將唐汝賢都司劉德順劉俊民等分路截擊殺賊二百餘名傷斃甚多我軍兩次約共傷亡數十人賊仍退據黃貓嶺職道現俟劉提督攻拔尖山坡並料理降衆屯防舊州上塘即進攻重安截江西上約張道上下夾擊會規清平伏查我軍自攻拔牛場兩月以來大小數十戰破賊寨以百計廓清數百里復連拔舊州上塘老巢數十實屬異常出力仰懇憲施立予奏獎以示鼓勵又稟竊十八日賊苗數百自谷嗣來犯楊老狂呼誘戰張道飭各營堅壁不出延至未刻賊數千自羊大山冷水管兩路徑撲營壘

各營先以鎗炮環擊賊勢少却遂分路出營由上壓下直至羊昌河邊鏖戰逾時斃賊數十人賊始大奔二十日苗酋金扛扛率黨千餘由冷水營來撲江西坡我軍迎擊賊拚死鏖戰鎗子如雨我軍傷亡數十人屹立不退張道飭總兵蔣定邦等各帶哨隊從左右山梁直衝入賊陣賊遂大奔我軍乘勢掩擊斃賊八千餘人二十一日賊復至黃貓嶺新牌谷三路來犯以數千計張道仍飭各營整隊以待約兩時許賊氣稍懈振武軍先出隊擊賊過河復擊獅子山副將石萬和千總戴文富中鎗陣亡振武軍少却賊乘勢猛衝參將唐天佑及安定各營堅伏不動但以鎗炮環擊賊甚多賊始敗去是日重安賊苗千餘來犯美朗風劫經何鎮行保劉都司洪發擊退斃賊數十人黃平新州雙谷隨巖門等處賊苗數千來撲舊州劉提督揮軍縱擊陣斬賊數十名鎗斃無算賊匪大奔我軍乘勝追擊將五里冲干溪一帶賊巢焚燬降目柏明成於奪五里冲賊卡時中鎗陣亡二十四日劉提督分布各營於五鼓時進攻七里冲大塘鋪天明將兩處賊卡攻破遂留總兵謝鴻章候選知縣趙彝憑率所部駐大塘鋪以備抄截自督各營急趨新州城賊苗出城抗拒而尖山坡巖門雙谷隨之

貴州通志

前事志三十四

一九

賊布滿山谷包圍我軍劉提督揮軍四向人自為戰游擊楊玉枝怯戰退縮劉提督立將該游擊於陣前正法各營乃鼓勇大呼而謝鴻章趙彝憑復自大塘鋪抄賊之後我軍內外夾擊聲動山谷斃賊無算藍翎千總田泰時首先生擒賊目一名賊苗四山狂竄我軍立將黃平新州城克復功直趨尖山坡賊苗望風奔竄雙谷隨巖門一帶劉提督以新州城不可守我軍勢單不能分布遂將尖山坡及州城內賊巢米谷焚燬淨盡撤回舊州是役一軍往返馳逐六十里力拔新州城及尖山坡老巢實屬異常出力職道現商劉提督屬鄧守以五營留守舊州相機規取施乘並料理降衆屯防職道自與劉提督分路進剿重安以規清平

諭崇實吳棠奏唐炯一軍自攻克麻哈州城後進逼苗巢九月二十七至十月初三等日清平苗匪迭次出巢撲犯營壘均經官軍擊取初四至初十等日復將白沙坡打鐵關等處賊寨攻破十四日進拔舊州連克要隘殺賊尤多十六至二十一等日黃貓嶺重安江等處苗匪屢次出犯經張玉文劉鶴齡等分路縱擊乘勝將丁溪五里冲一帶賊巢焚燬二十四日劉鶴齡督軍直逼州城

該逆出城迎戰尖山坡等處之賊同時圍撲官軍鼓勇奮擊賊衆大敗當將黃平州城克復乘勢攻奪尖山坡逆巢剿辦甚為得手仍著督飭各軍進規施乘清平等處迅殄逆氛

諭崇實吳棠奏黃平舊州兩城居鎮遠都勻之中縱橫數百里悉為苗逆占踞現經唐炯督軍深入迭破關隘克復城池勦辦甚為奮勉該逆以屢經懲創復敢糾黨圖襲牛場壩安擾我後路雖經官軍馳救擊退而現在進規清平地險賊衆必應厚集兵力穩紮穩進以期節節掃蕩崇實吳棠現已調陳希祥一軍馳赴下游著即飭令會合唐炯等軍並力進剿迅掃逆氛俾苗疆早得戡定安平股匪奔竄即飭並著檄飭成耀星嚴扼各隘如遇賊匪回竄即行探蹤截擊毋稍鬆勁張文德一軍克復都勻後曾否將毛坡賊巢攻拔著曾璧光飭令聯絡川楚各軍迅速進兵以資厚集

十四日克復舊州鄧錡帶六營駐舊州唐炯劉鶴齡帶八營進攻新州二十四日五鼓立破七里冲各賊卡驅兵猛進時雙谷隨之賊巢於尖山坡岩壘數十黑苗布滿山谷劉軍揮兵猛攻唐軍分兵四應斬怯退游擊一員各軍奮勇向

貴州通志

前事志三十四

二〇

前立將新州克復斬賊無算黃平訪冊

按復新州訪冊所稱斬怯退游擊一員缺名據按黔錄即楊玉枝楚軍敗苗逆於青龍腦江口屯遂復柳舞天柱等城

張秀密以苗首田白眉出順洞羊平趨青溪池木溪圍首楊通本敗死楊通凡馳援擊斬白眉會席寶田軍出梁上復破走秀密及潘老帽於岑松並下耶麼諸寨別檄李光燦率銳字六營自石榴坡凱寨破賊而前東規天柱約署柳舞縣丞涂垣焯署清江協副將許得勝攻青龍腦自成豐中賊據以為柳舞患二十三夜襲破之垣焯等乘勝入據柳舞汛城光燦會龔繼昌李金榜急馳破江口屯六寨屯一名九龍山極險峻三面環水甲子偽帥陳大六等據此出入楚黔邊為患至是禽大六斬之明日進復天柱縣城

諭軍機大臣等劉鶴齡奏逆目陳大六等占踞天柱縣屬之江口壘陷沒縣城勾通苗逆推巨逆李恒吉為首久為黔楚之害經劉鶴齡飭席寶田督軍分道進攻先將援賊之悍苗九大白等股擊退攻入江口壘逆寨擒斬甚多巨逆李恒吉等死千軍中逆目陳大六等均經就獲並將縣城收復剿辦尚為奮勉仰著劉

川軍克復定南汎城

魁飭令席寶田等務將餘匪搜捕淨盡所有天柱縣善後事宜妥為部署即督軍掃蕩附近苗寨東通鎮遠西達清江期與川軍會合
二十一日楚軍攻破江口逆王陳大祿見官軍勢大敗進柵門自知不免揮刀殺出當者輒離副哨官潘繼光松柏洞人舉槍轟之中彈倒地被捕
曾璧光奏竊臣於十二月初三日接據統帶川軍記名提督陳希祥咨稱該提督已由安平進剿各匪逆戰皆捷嗣探得郭家壘偽王潘仲義佔踞壘後苗關為偽師楊逆所紮其為苗王大慶大王賀楊劉等逆分踞永豐山葛石寨等處蔓延二十餘里合衆二萬有餘該提督於十月二十日督飭各營進逼賊壘二十二日分三路並進該匪拚死拒敵我軍陣斬田偽將軍劉偽帥二人斃匪多名潘逆率衆敗潰當將郭家壘賊寨攻克連日乘勝將苗上關永豐山一帶賊營全行平毀該逆分竄擬踞定南陳希祥跟蹤追至於二十五日四面圍攻將定南汎城克復殺斃龍偽帥石偽將軍白苗帥三人該逆由波玉河大巖場而逸

貴州通志

前事志三十四

一一一

畢大錫約陳希祥軍出架布雞場賊敗多走定南希祥督何定功都司祝有信進擊賊潰走波玉河追敗之是時劉嶽階平遠防軍為劉嶽昭檄調雲南定南諸賊乘間走入據州西之雀驢及鮒瓦雞場曾璧光因檄希祥馳赴平遠並檄成耀星分軍馳防六歸河

按定南汎城克復記畧語欠晰

水城苗逆黃金印乞就撫

先是八月楊開祥自郎岱乞反正惟黃金印猶據扁擔山出掠畢大錫以黃金印故水城米羅苗令袁開第設法招令回籍並遣游擊劉德昌往招之黃金印以幼子為質約降自扁擔山挾重賞歸水城宿六枝汎汎弁魏天申及副將張定國夜劫其輜重並殺斃五人黃金印因走集諸賊擊破六枝各屯圍攻定國營他賊亦聞風擊潰練團薄郎岱劉德昌聞變急白大錫函慰金印許追償失物金印始解去已而金印退水城嚴大五利其質將圖之袁開第因遣間散其黨說令繳械降金印懼不至而遣其弟具稟來言其苗黨二百餘戶已先遣散往大小苗寨乾溝歸業餘則散赴各團者尚四五千戶其無業可歸者富者出資

置產貧者佃田耕種金印惟自乞給還原產歸耕手具投誠結乞委員就營查驗開第即遣署照廳樂承舉等往驗以各戶自農具外無軍械可繳還告開第因清還原產復酌撥荒地妥為安置之事在明年二月
官軍攻克都勻平舟六洞苗香芋賊巢柳天成迭撲都勻府城護提督林從太擊却

曾璧光奏十月二十三日據護都勻府事兼署獨山州錢璠署都勻協副將周發榮稱平舟六洞苗香凱管等處踞匪已歷兩年迭次攻擊未能得手十月十五日錢璠等督飭千總陸登埔把總田興和外委徐名揚吏目王恂委員張向恆等分批進剿先攻貓兒河賊寨斃匪甚多該匪首楊七悔罪乞降錢璠曉以大義令其殺賊自效楊七帶領降衆乘夜攻破上下梭賊壘斃匪一百餘名十六日陸登埔等各帶勁練進攻凱管賊巢克之進兵道路既通軍勢大振周發榮督同陸登埔等分為兩路乘夜襲取平舟立破賊卡三道擒斬悍賊三百餘名當將平舟老巢攻拔十八日陸登埔田興和等節節勦洗又將苗香六洞相繼攻克等情又於十一月十一日據護理提督林從太咨稱都勻緊逼苗境時

貴州通志

前事志三十四

一一一

有賊苗竄擾林從太督飭各軍嚴密防守十月十八日該逆柳天成柳么等糾衆數千分撲四門勢甚兇悍林從太派令副將張自發參將黎占魁游擊田興貴都司羅芳林謝永綱軍功潘德明等各帶精銳分路迎敵林從太居中策應各軍奮力兜剿賊勢不支敗退銅舟二十日潘德明帶隊星夜往擊擒斬石偽將軍一名二十二日柳天成等糾約下河八寨苗賊萬餘復來攻撲林從太派隊出擊鏖戰竟日賊勢稍卻田興貴衝入賊陣被賊鎗傷右腿二十三至十一月初六等日連日接仗迭有斬擒並殲斃偽王柳么一名謝永綱進剿餘匪中斃陣亡十一三十四等日該逆復來攻撲林從太設伏截擊殺斃二百餘名賊遂奔潰其間招撫王廷華潘發揚陳建勳等賊目三名現飭各營扼要守禦等情平舟六洞凱西苗香匪黨負隅日久現經錢璠等次第拔實為地方掃平巨患林從太於克復勻城後迭被柳逆進攻率領將士固守月餘迭次接仗搃斬甚衆辦理頗合機宜無如餉項支絀未能添募重兵力圖進取殊切焦思臣惟有竭慮殫精會同林從太就現有兵力盡心勦辦迅掃狂氛
十一月苗酋金桿桿陷洞口屯署平越直隸州馬樹清戰後匪進犯牛場川軍擊卻

之陣斬命梓梓

初十日香鑪山谷洞黃貓嶺冷水寨諸賊出龍頭山犯楊老唐天佑營天佑固守候補道張玉文分軍扼拒賊首金梓梓率賊赴苦李井突入平越龍場堡楊家林牛場出川軍後截糧路先是舊州克時署平越直隸州知州候補知府馬樹清言於唐炯請以鄒紹南率安吉營扼金雞山隘又以州城荒蕪無人出剽圍坡適中地至是賊大至樹清圖退牛場遇賊楊家林再退河口屯十一日賊陷河口樹清戰死川軍轉運委員從九汪廷燮亦被害宋國禎先以三百人隨樹清辦善後至是遁走屯民死者甚衆記

貴州通志

前事志三十四

一三

家林僅降衆四五百家尤單薄可慮職道於十一日夜得報即派顏牧督所部安定前營由間道馳守牛場派果毅後營周副將萬順果毅副前營楊游擊繼春各率所部由巴香翁巴馳扼楊家林各賊上竄牛場便與顏牧約會夾擊毋令得竄至開慶十二日夜得報賊苗於是日黎明乘大霧圍撲楊家林之洞口軍候補署平越直隸州知州候補知府馬樹清督率衆拒守相持至未正軍衆子藥俱盡賊毀壘而入馬守督率衆戰力竭陣亡本營委員從九汪廷燮於該處辦理楊老各營轉運亦同時被害望中男女死者四百餘口賊亦被軍衆斬殺百餘職道虛果毅兩營力薄復撤防紮蘆坪之安吉後營田參將應豪派隊接應十三日黎明賊全股直撲牛場我軍不動俟賊撲至壕邊始連環施放鎗斃賊甚多偽苗王金扛扛見我軍勢甚盛遂率黨繞竄安顏牧慮賊一到變安則處處紛擾我軍全局皆爲掣動急率總兵蔣定邦降日劉占斗二百餘人迎頭猛衝當將金扛扛擊斃賊遂折回仍撲牛場營壘我軍正與相持而果毅兩營是日自翁巴進勦楊家林知苗已盡數上犯牛場復由楊家林赴援顏牧遙見果毅旂幟乘勢猛衝賊敗至牛場中壩河邊游擊楊繼春率所部截住

河邊斬賊偽元帥楊大五一名賊窘急以悍黨數百抵死抗拒楊游擊鎗子如

兩楊游擊脚受兩傷所部少却而周副將率所部及安吉後營亦至復奮力夾擊傷斃賊甚多賊遂敗退九龍山我軍亦有傷亡又慶戰竟日收隊回牛場是夜三鼓時賊忽驚潰盡數由翁巴大巖一帶竄過小巖河我軍得報追至翁巴救出婦女百餘名職道仍檄令於龍昌堡狗望一帶搜勦俟人心大定再拔回上塘是日香鑪山等處之賊數千來撲楊老各營經張道分布迎擊生擒十餘名陣斬數十名而我軍守備周大鵬外委劉定邦亦當時陣亡賊來益厚都司劉俊民衝入賊陣手斬賊酋一名我軍大呼縱擊賊乃大奔撲河死者數百四十五等日賊來攻舊州風均等處被我軍擊退均各稟報前來伏查賊苗以我軍深入連下黃平新舊兩城而兩月以來攻撲楊老其黨死亡甚多又見楚軍尚在寨頭未動殺牛聚議以三萬金犒金扛扛令製牛場猴場變安擾我後路我軍必退然後並力以拒楚軍故其來甚速今雖仰賴福威各軍用命金扛扛授首變安一帶無虞而馬守汪委員死難男女被害四五百人貧由職道調度無方疎於防範咎無可辭仰懇憲台從嚴參辦以謝平越死難官民並懇將

貴州通志

前事志三十四

一四

馬守汪委員從優奏卹以慰忠魂無任感禱

按平黔紀畧金梓梓援黔錄作金扛扛亦作金幹幹

十二月唐炯圖大舉進規苗疆請濟師于川督吳棠

先是炯以川軍深入後路空虛安順軍務稍紓且有成耀星一軍駐防請以陳希祥還同勦苗疆蹇閻先以病還遵至是赴軍請仍以舊部扼平越州城楊家林牛場防開慶後路復稟曾璧光言自楊老西至貴定百數十里空虛無人請檄林從太遣軍同潘名杰胡連玉趙廷珠等降衆出麻哈下司相應記

至是炯稟川督竊職道前請添收降勇二千三百名編立爲營茲於本月二十日接奉憲批得勝之餘持重爲第一要着留兵屯守舊州等處是斷斷不可少者該道慮前敵兵單請以新降粵匪二千三百人編立爲營用期兵力厚集迅速成功而又免貽患所見極是無如庫欸萬分支絀餉項殊難爲繼該道可於降衆二千餘人內挑留二三營分撥調遣照黔勇起支口糧其餘妥爲遣散等因奉此仰蒙憲台指示周詳慎重餉措下懷無任欽佩然職道謬荷委寄通籌大局其利害得失既已灼見真知有不敢不詳陳於憲台前者當同治元年秋

黔賊橫糜爛尙不至如今日職道安有所陳請以浩彭禁合敘永防兵以勦
爲防大畧以爲黔省非藉資蜀力不能自強糜爛之後賊無所掠勢將侵軼蜀
邊蜀自敘永以至酉秀沿江幾二千里犬牙相錯防不勝防其害將有不可勝
言者其時議者忽而不察甚且以爲軍事次年黔賊果寇掠及川邊自是以來
增兵設防連營相望而賊之焚掠及於敘永禁江城下者自若也總計首尾五
年歲費餉需不下百餘萬兩而沿邊州縣團防經費尙不與焉是蜀已大耗而
於黔無絲毫之益今年仰蒙憲台明斷大舉援黔縱橫廓清殆數千里而蜀邊
百姓得以安枕無警總計職道二月成師至於今日甫十一月各營欠餉有兩
月者有四月者有五月者即使截至年底補發齊全一歲所需不過六十萬
兩而於蜀黔其利如此向使仍守故策在黔既無肅清之望在蜀永無休息之
日而此每歲防費百餘萬仍不可少此其前後利害得失固皎然明白矣今大
軍深入功可七八誠能俯允所請添此二千三百人以厚兵力如職道前稟部
置者計亦不過半年即便成功以半年而計亦不過增多餉需六萬餘兩費此
六萬餘兩而功可速成兵可撤餉可節民可休息竊以爲策無善於此者否則

貴州通志

前事志三十四

二五

職道雖不肯自昧天良頓兵徘徊虛報功績以蔽憲聽而兵力不厚遠後跋前
疇日持久使賊坐大則所費又豈止此六萬餘兩而已職道亦深知庫款支絀
後難爲繼然竊以爲成大事者不惜小費而緩急輕重之間又不可不熟籌深
計也且如酉彭去黔之鎮施中隔思南石阡銅仁又有楚師屯戍賊之不能長
驅授我邊境明甚是酉彭所駐兩營可以裁撤關中大兵雲集度左師必分由
鳳翔邛州延安三路並進鳳翔一路即可遮蔽隨秦而寶鳳之間又有李耀武
一軍賊之不能越漢中隨秦而窺我西北明甚則江油一帶振武防兵亦可量
爲裁撤建南夷務功已垂成靖邊一軍亦可量爲裁撤若於此三路之中裁去
數營摺彼注此易無用爲有用餉不增而事可濟特轉環聞耳職道自統師以
來日在暑雨霜雪中以致積受風濕入秋後舊疾屢發筋骨酸痛夜不成寐飲
食減少下咽即吐昨復以寒極大痛悶絕倒地幾致不起然猶力疾支持不敢
告勞職道豈不自愛其軀命祇以憲台委任厚重亦欲藉手勉效尺寸以仰答
知人之明也利害所繫不敢遷就以悞大局故敢明白瀆陳倘蒙憲台鑒其愚
忱俯准添收此起降勇二千三百人飭局迅速撥解銅帳鎗砲起支口糧並檄

陳提督一軍與職道合剿如職道前稟部置者若無所效仰懇憲台嚴參治罪
以爲無功糜餉者戒無任感禱待命之至所有兵力實屬不敷分布仰懇仍准
添收降勇二千三百名以資成功緣由理合稟請察核示遵
竊查職道原部安定四營及親兵共二千二百人果毅十一營及親兵共五千
七百人振武三營一千五百人加以節制之忠字一營安吉三營通計一萬一
千四百人而首尾分布四百餘里除分護各路糧台及把截僻徑以防竄擾後
路外前敵之軍不過八千人又皆不能併聚一路現雖攻克麻哈地宋上塘舊
州而益與賊苗老巢逼近上而黔省飢軍不可恃以致凱里丹江之賊厲集黃
貓嶺下司以阻我楊老之軍下而楚省防邊數十營不過雷池一步以致鎮遠
施秉之賊日與我舊州上塘之軍相持席泉司頓兵數月不進以致台拱清江
之賊得併力於清平重安江即使仰賴福威一二月內將尖山坡重安江老巢
掃蕩移師西上合規清平而舊州上塘一帶留屯降衆亦不能不暫爲分兵駐
防以期周密既以留防則進規苗疆兵力愈形單薄不能迅速成功職道極知
庫款支絀增兵不易然與其老師置財成功無日而餉仍不能省不若增兵協

貴州通志

前事志三十四

二六

餉戡定期而費仍屬無多又現收都勻粵賊二千數百人無處安置留之地
方徒貽後患合無仰懇憲台垂念攻勦正得手喫緊之際准收此起降衆以三
百人歸併劉提督親兵合前二百爲一營照楚章起支口糧餘編爲四營由職
道與劉提督酌派管帶口糧悉照黔勇章程以期兵力厚集運掉自如得
以迅速成功於軍務大局實有裨益
竊以我軍進剿不難而深入無後繼爲難克復之地不能不留兵駐守而山多
路雜少留則無益防守多留則有礙前敵今自舊州上塘以至風均蘆坪楊老
我軍分布曲折首尾已四百餘里而至楊老以西至貴定百數十里間黔師無
一人駐守則皆空濶無阻任賊出沒前議屯防降衆現惟牛場壩安縣城各招
集八百餘家楊家林四百餘戶此次既盡死難而舊州上塘招集河西降衆又
皆以施秉之賊時時出擾餘慶徘徊不前自舊州以至牛場經我軍將苗擊破
縱橫數百里都無一漢民各營軍火糧餉率皆由營自於遼郡願募長夫轉運
而前又必派隊往來迎護始免疏虞地方之空濶荒涼人民之稀少艱難如此
此次賊已乘虛擾我後路雖經擊敗保無復來若不將後路嚴防而但懸軍深

入窮極兵力亦自所向無前而黔師既聚都勻日與賊苗相持楚師又復遠頓
沉見思石清江不肯即進左而鎮思右而丹凱賊皆得日出空闊無阻之地以
撓我後是我將反客為主疲於奔命而賊得以逸待勞常操勝算非計之得者
竊見陳提督一軍勦辦安郡於定南大捷賊盡奔竄即與興郡回匪合併勢
不能復回竄安郡由郎岱旁出惟平遠水城耀湘各軍既已奉憲檄往防則陳
提督一軍似可調赴下游合剿苗疆戡定移得勝全師以辦興郡不難尅日蕩
除職道已函約陳提督移師前來仰懇憲台俯如所請飛檄陳提督與職道合
剿苗疆又接蹇道函稱擬即日銷假來營職道擬仍以所部四營歸蹇道合之
振武三營扼平越州城楊家林牛場專顧開鑿後路鄧守以五營留守舊州專
顧餘慶後路陳提督與張道進楊老職道與劉提督進重安前請添招四營仰
懇憲台俯如所請即以爲往來游奕奇兵如此則懸軍深入可無後慮而成功
不難指日矣上同

林自清陳希祥合攻灣河塘擒斬仲匪盧老春

初希祥奉檄剿安順諸賊平遠賊望風走河外會貞豐回賊過河掠入歸化境

貴州通志

前事志三十四

二七

郎岱南境亦有回賊嚴大五仍據東境花苗黑苗掠其西北趙家璜孫清彥皆
先後乞援希祥而自清方擊灣河塘仲夷賊首盧老春負固守自清逼攻不下
二十九日希祥旋回軍馬堡安撫大小新寨脅從各屯合攻灣河本月初五日
希祥遣副將葉珍祥攻至灣河山頂賊知不守急馳突下珍祥中創反走軍稍
却自清遣軍援至賊仍奔還至晚希祥自清合攻擲火延燒賊寨立破之禽斬
盧老春希祥移軍化處記

按嚴大五是苗酋稱回賊誤

唐炯次上塘稟川督告病請假回蜀調理不許

先是九月總督吳公棠視事機緘深閤翁張變眩黔諸大吏復深忌余凡可以
騎斃者無不至遂齟齬顛倒而不得竟吾志矣余以一切掣肘憤懣甚一夜暴
病倒地踰時始醒請還蜀醫調當塗不允成山老

唐炯稟竊職道昨將白巖舊州兩處獲勝情形稟後即函商劉提督由舊州
橫出掃蕩至鴉望職道由苦竹園直攻楊逆老巢刻期會軍崇拜同規重安江
爲乘勝掩擊之舉忽得劉提督函稱其疾不可爲乞請回籍調治而職道則自

前月十五夜腹痛倒地醫治卒效比復積雪連宵薄暮冷風刺骨患益加劇粥
粒不能下咽手足麻木胸膈間若有癥塊者以故進剿之謀不果據醫者水寒
木燥土不能運清濁雜糅上下遏塞非靜養難期痊可伏念職道直轄性成智
識短淺憲台固早鑒察而寬容之矣過蒙拔擢畀以軍旅重任聽其展布增兵
餉無不俯如所請所以任之者抑又至矣竊不自揆欲勉竭血誠會合三省之
力舉十餘年淪陷之地還之朝廷以仰答憲台委寄之至意故自督師入黔觸
冒瘴癘蒙犯鋒刃所不敢辭六月乘暑渡江連下玉華山尙大坪百餘堅巢而
疫瘧大行師人多死職道亦舊疾舉發只以密邇苗疆有進無退亦未敢以微
疾乞假致頓兵機其時黔中大吏雖因首逆檻送成都心懷不樂猶以客軍遠
來姑務含忍迨朝廷有歸黔節制之文雖經憲台覆奏而諭旨初無明文自是
抵悟遂多矣職道自維黔人常懷居邦不非其大夫之訓亦粗知忍辱以濟艱
難倘使事屬可從何敢孤行已意無如所指授者地理之形勢不諳事機之緩
急不辦聽則債事違則取尤極委曲以求全終齟齬而不合陳提督以不赴省
不分防謹遵憲檄徑剿安郡定南大捷嚴賀各酋遣人輸款附近狎夷相繼歸

貴州通志

前事志三十四

二七

服固已著成效矣乃反謂固執成見驅賊四散矧職道名爲川中將領實則黔
省士民直俎上內耳誠恐一旦獲咎憲台雖欲保全而不及職道一身亦不
足惜所慮主客鑿枘轉致大局貽誤職道所以憂讒畏譏而不能不求退就閒
散者此其一也春中入黔軍多舊部自渡江來宿將如吳洪貴鄧洪超潘壽齡
輩相繼凋零精銳之卒半死於鋒刃疫癘添收皆係降衆所恃劉提督忠勇絕
倫解衣推食駕馭拊循咸得若輩死力張道鄧守又膽識獨出足當一而故職
道得以菲材從事其間幸未覆壓今劉提督既以病求去鄧守亦以久病新起
告歸意切自顧何人能獨當斯任此職道所以孤立無助而不能不求退就閒
散者又其一也師行餉精軍火至爲切要所謂洋鎗鉛藥咸不應手而賊火器
倍於官軍以致每戰精銳必多傷亡郵養又皆積欠富榮局自井甯滋事釐金
支絀以致餉精撥解遲滯各營有欠至四五月二三月者此屬半皆降衆長此
不已念之寒心此職道所以私憂過計而不能不求退就閒散者又其一也職
道本以菲材過蒙委寄今又功可七八轉瞬春來楚師並進戡定無難職道雖
愚不欲貪天功而蒙上賞而願求假自外裁成只以所在艱危私竊畏罪矧復

臥病不任馳驅與其含垢圖榮行且敗垂成之局不若舉能自代移無傷知人之明竊見越揚夷務已了周達武籍繼楚南本貴州提督憲台誠赴奏令任接辦軍事必能與黔省調和無相閼隔所部既已數十營則安定果毅兩軍可量爲裁撤以節庫帑計無有善於此者若慮安定果毅多屬降衆一時難於裁撤則請仍留劉提督鄂守與陳提督張道會辦暫且分布要害以待楚師春來並舉事有必濟而蹇道久歷戎行思慮周慎亦能勝任仰懇銜奪檄飭接代俾職道得交卸還蜀醫調幸獲安全則此後有生之年皆戴德之日也上同

壬午諭軍機大臣等劉燭奏貴州清江廳屬苗寨林立大爲楚黔邊患席寶田正統大兵次第掃蕩而棄雍等寨苗匪竟敢糾衆圍攻巴治席寶田派令榮維善等往援匪衆解圍遁走乘勝攻拔寨雍六甫柳羅烏包等寨敗匪屬集者磨恃衆抗拒官軍鎗炮轟擊賊始敗潰統計殺賊五六千名並收撫耶磨平夏高邱白兜等寨清江北岸苗寨悉就蕩平剿辦極爲得手席寶田由見已派令戈鑑李金榜進剿古州李光燦清查天柱土匪後會師清江黃潤昌率同鄧子垣進

貴州通志

前事志三十四

二九

規鎮遠彭芝亮俟兩路進兵即行規賊施乘是楚省援黔諸軍正圖大舉深入曾璧光當乘此聲勢飭令黔省帶兵員弁與楚軍協力雕剿迅掃逆氛早清疆圍並著劉燭清鎮各營併力剿洗毋稍鬆勁一面催令席寶田迅督所部直攻施洞口諸苗潰其腹心免致該逆四出滋擾東華

清台苗復逼古州古州紳民相率赴湖南乞援時寶田方分軍西南趨清江河岸擊破柳羅烏巴者磨賊耶磨平夏高邱賊皆乞降北岸畧清二十四日將自寨頭北上超松柏洞進剿圖鎮遠會西路抱金降苗復叛同九大白日拒楚軍擊敗之并破塘脚苗寨十餘寶田俟將黃潤昌軍到則以知府吳自發所部同規鎮遠以彭維兩軍同復施乘以李光燦專辦清江以戈鑑李金榜援古州自率軍趨施洞口掃盪而北畢紀

是時軍已漸深入炎暑瘴毒盛軍士疾疫過半而援師逾萬悉倚餉湖南或不時至軍中大困苗亦病餓死者數千人賴以休息十月始議進規台拱公以台拱苗最強右清江而左鎮遠爲之犄角台拱下而後苗事可言也不取兩城無以制台拱不悉平岩頭前路苗岩斷寇援通道無以取兩城于是先徇清江路謂

諸將曰清江南北百餘里苗岩不可勝數北岸尤悍皆倚洞壑絕險徑仄不容足益以木石斷塞沿寨而索戰曠日月傷校卒非計也今宜揚言進兵而以輕兵縱萬山襲其後傳鋒而襲之岩可盡破然絕危難失勢敗且不救榮維善者驍捷冠一軍奮請行因裹糧約束夜率所部疾趨山谷間懸軍五日回繞數百里至柳樹街南岸則清江廳也時大寒大雪苗望見旗幟疑他岩會師俄而大戰蹙苗赴江水尸蔽江下知官軍已至懼欲遁維善止不渡乃反攻柳羅烏包之屬稿雍諸名岩已前復下撫降所過數十岩清江北岸岩悉定遂移軍畧南岸以歸鎮遠十一月丁酉破抱金戊戌入撫松柏洞唐本有屯之九太白潘老冒糾萬人圍攻本有欽兵守榮維善從他道張兩翼遮苗苗反在圍中本有復出合擊大破之因收南岸十九岩壬寅拔黃皓屯斬悍寇三千人九太白遁走八年正月辛卯克稿繞丙辰克平塘坡馬溝旁取數十岩岩頭鎮遠百里苗岩蕩焉續先正

寶田語榮維善曰言苗事者必曰賜剿此勇夫名將之事也夫賜剿者懸軍深入飢因敵糧夜宿敵壘行不持營帳居不依城岩軍不時出出不時反乃可以

貴州通志

前事志三十四

三〇

入穴得虎而申其威力然其敗莫敢徒有策無能行之者此岳鍾琪張廣泗之所以擅能惟君可以繼之維善奮請行率所部轉戰山谷間自大營南取清江廳百餘里縣軍五日苗偵者率莫測所鄉時越大岩攻小岩或已過復還驟至清江北岸城苗望之以爲其部衆叛門已知官軍乃大驚嚴備將渡沅官軍已去時十一月大雪軍中亦不知維善軍所在俄而還營鎗功屠七岩撫四岩岩頭南路平乃謀北通鎮遠攻抱金破七岩西通松柏洞苗合圍其屯方戰維善已先率唐本有等伏屯外卷旗羣山行反圍圍軍所殄仆相望十二月襲稿繞稿繞兩山險絕無路衆曰此絕地也維善曰苗處絕地獨我絕耶此所謂兩鼠鬥穴者也遣蘇克金先據右山唐本有自下攻而上維善橫貫其陳苗大潰顯自死者無數岩頭北至鎮遠八十里苗岩悉空黎平

七年榮維善協同精捷營鄂星階鄒泗宗從金堡過鎮遠收復水洞廖洞勝乘苗寨席寶田親率全軍由貴科貴介直逼金鐘山以規施洞綠施洞爲賊酋所蟻聚也台拱

按平黔紀畧柳羅烏巴續先正事畧作柳羅烏包布東華錄作柳羅烏包